



ერთი მხრივ, შპს „ჩემი ოფისი“ (ს/კ: 401997112) (შემდგომში „შემსრულებელი“) ხელშეკრულებაში წარმოდგენილი მისი დირექტორის თეიმურაზ დავითაშვილის სახით და მეორე მხრივ, საქართველოს პარლამენტთან არსებული ჰერალდიკის სახელმწიფო საბჭო (ს/კ: 204555702) (შემდგომში „შემკვეთი“), ხელშეკრულებაში წარმოდგენილი მისი თავმჯდომარის, ელდარ შენგელაიას სახით, მხარეთა ორმხრივი ნების გამოხატვის საფუძველზე ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგი პირობებით:

მუხლი 1. ხელშეკრულების საგანი

- 1.1. წინამდებარე ხელშეკრულებით განსაზღვრული პირობების შესაბამისად, შემსრულებელი კისრულობს ვალდებულებას გაუწიოს შემკვეთს საოფისე ტექნიკის (პრინტერების) სერვისის შეკეთების მომსახურება, მიაწოდოს სახარჯი მასალები, კერძოდ, კარტრიჯები CPV 30125100 (შემდგომში „პროდუქცია/მომსახურება“), ხოლო შემკვეთი ვალდებულია მიიღოს პროდუქცია/მომსახურება „სახელმწიფო შესყიდვების შესახებ“ საქართველოს კანონის მე-3 მუხლის, პირველი პუნქტის „ს1“ ქვეპუნქტისა და წინამდებარე ხელშეკრულებით გათვალისწინებული პირობების შესაბამისად გადაუხადოს შემსრულებელს მისი ღირებულება.
- 1.2. პროდუქციის/მომსახურების დასახელება, მოცულობა და განფასება განისაზღვრება ამ ხელშეკრულების დანართი N 1-ით, რომელიც განუყოფელი ნაწილის სახით დაერთვის წინამდებარე ხელშეკრულებას. ხელშეკრულების ღირებულება შეადგენს 1505 (ერთიათასხუთასხუთი) ლარს.
- 1.3. შემკვეთი იღებს ვალდებულებას აუნაზღაუროს შემსრულებელს წინამდებარე ხელშეკრულებით განსაზღვრული ღირებულება საქონლის მიწოდებიდან 7 (შვიდი) კალენდარული დღის განმავლობაში.
- 1.4. შემსრულებლის მიერ წინამდებარე ხელშეკრულებით გათვალისწინებული პროდუქციის/მომსახურების მიწოდება წარმოებს შემკვეთის შემდეგ მისამართებზე: ქ. თბილისი, სანაპიროს ქ. 4;

მუხლი 2. ხელშეკრულების მოქმედების ვადა და მისი შესრულების პირობები

- 2.1. ხელშეკრულება ძალაში შედის მხარეთა მიერ მასზე ხელმოწერის მომენტიდან და მოქმედებს 2016 წლის 31 დეკემბრის ჩათვლით.
- 2.2. შემკვეთისთვის პროდუქციის/მომსახურების მიწოდება დასტურდება ერთ-ერთი შემდეგი დოკუმენტაციის საფუძველზე: მიღება-ჩაბარების აქტი ან/და სასაქონლო ზედნადები ან/და ანგარიშ-ფაქტურა (ასეთის საჭიროების შემთხვევაში).

მუხლი 3. ანგარიშსწორების წესი და პირობები

- 3.1. წინამდებარე ხელშეკრულებით პროდუქციის/მომსახურების ღირებულება განისაზღვრება ყოველი შეკვეთა-განაცხადის შესაბამისად მიწოდებული პროდუქციის/მომსახურების შესაბამისად შედგენილი სასაქონლო ზედნადების მიხედვით.
- 3.2. შემკვეთის მიერ ანგარიშსწორება ხორციელდება უნაღდო ანგარიშსწორების წესით, წინამდებარე ხელშეკრულებაში მითითებულ შემსრულებლის საბანკო ანგარიშზე.

მუხლი 4. მხარეთა უფლება – მოვალეობები

- 4.1. შემკვეთის უფლება – მოვალეობები:
 - 4.1.1. შემკვეთი უფლებამოსილია წინამდებარე ხელშეკრულების მოქმედების პერიოდში დანართი N1-ის შესაბამისად, ნებისმიერ დროს წინასწარ მიაწოდოს შემსრულებელს ზეპირი/წერილობითი შეკვეთა-განაცხადი პროდუქციის ან/და მომსახურების სახეობის, რაოდენობის მითითებით და მოითხოვოს მათი მიწოდება.
 - 4.1.2. შემკვეთი უფლებამოსილია შეამოწმოს შემსრულებლის მიერ მიწოდებული პროდუქციის/მომსახურების ხარისხის შესაბამისობა წინამდებარე ხელშეკრულებით გათვალისწინებულ პირობებთან.
 - 4.1.3. შეკვეთის დაკომპლექტების შემდეგ შემკვეთი უფლებამოსილია პროდუქციის/მომსახურების მიღების ადგილზე შემსრულებლის წარმომადგენელთან ერთად შეამოწმოს მიწოდებული პროდუქციის/მომსახურების ხარისხი, რაოდენობა, ვარგისიანობა და მიიღოს სასაქონლო ზედნადების შესაბამისად.

- 4.1.4 შემკვეთი უფლებამოსილია წერილობითი შეტყობინების საფუძველზე ნებისმიერ დროს, ყოველგვარი საჯარიმო სანქციების გარეშე ცალმხრივად მოშალოს წინამდებარე ხელშეკრულება.
- 4.1.5 შემკვეთი ვალდებულია გადაუხადოს შემსრულებელს წინამდებარე ხელშეკრულებით გათვალისწინებული მიწოდებული პროდუქციის/მომსახურების ღირებულება.
- 4.1.6 შემკვეთი ვალდებულია წინასწარ შეუთანხმოს შემსრულებელს პროდუქციის/მომსახურების ტექნიკური პარამეტრები. ტექნიკური პარამეტრების შეცვლის შემთხვევაში შემკვეთი ვალდებულია აცნობოს შემსრულებელს წინასწარ პროდუქციის/მომსახურების მიწოდებამდე.
- 4.1.7 შემკვეთი ვალდებულია სრულად და დროულად მიაწოდოს შემსრულებელს ყველა ის ინფორმაცია, რომელიც უკავშირდება შემსრულებლის მიერ სახელშეკრულებო ვალდებულებათა შესრულებას.
- 4.1.8 შემკვეთი უფლებამოსილია მოსთხოვოს შემსრულებელს წინამდებარე ხელშეკრულებით ნაკისრი ვალდებულებების ჯეროვანი და დროული შესრულება.

4.2. შემსრულებლის უფლება - მოვალეობები:

- 4.2.1 შემსრულებელი ვალდებულია შემკვეთისაგან შეკვეთა-განაცხადის მიღებისთანავე დროულად, ხელშეკრულებით გათვალისწინებულ ვადებში უზრუნველყოს შემკვეთი მოთხოვნილი პროდუქციით/ მომსახურებით, შეკვეთა-განაცხადში მითითებული სახეობის, რაოდენობის ზუსტი გათვალისწინებით.
- 4.2.2 შემსრულებელი ვალდებულია შემკვეთის მიერ შეკვეთა-განაცხადის წარდგენიდან 10 (ათი) სამუშაო დღის ვადაში უზრუნველყოს შემკვეთი მოთხოვნილი პროდუქციით/მომსახურებით.
- 4.2.3 შემსრულებელი ვალდებულია გადასცეს შემკვეთს ნივთობრივად და უფლებრივად უნაკლო პროდუქცია/მომსახურება. ნივთობრივად უნაკლოობაში მხარეები გულისხმობენ ისეთ პროდუქციას/მომსახურებას რომელიც ვარგისია იქნება ხელშეკრულებით გათვალისწინებული მიზნებისათვის, შეესაბამება შემკვეთის მოთხოვნებს, ხოლო უფლებრივად უნაკლო პროდუქციაში/მომსახურებაში მხარეები გულისხმობენ იმას, რომ მიწოდებული პროდუქცია/მომსახურება არ წარმოადგენს მესამე პირის (პირების) მოთხოვნის საგანს და არ შეუძლია წაუყენოს მოთხოვნები, ან დააკისროს რაიმე სახის ვალდებულებები მიწოდებული პროდუქციის/მომსახურების გამო.
- 4.2.4 მხარეთა მიერ პროდუქციის/მომსახურების მიღება-ჩაბარებისას წარმოქმნილი დანაკლისის შემთხვევაში შემსრულებელი ვალდებულია დროულად შეავსოს დანაკლისი ან/და გამოასწოროს ხარვეზი, ხოლო პროდუქციის არავარგისიანობის შემთხვევაში შეცვალოს ან დაიბრუნოს უვარგისი პროდუქცია.
- 4.2.5 შემსრულებელი კისრულობს სრულ პასუხისმგებლობას მიწოდებული პროდუქციის/მომსახურების ხარისხზე და პროდუქციის/მომსახურების უხარისხობით გამოწვეულ ყველა უარყოფით შედეგებზე.
- 4.2.5 შემსრულებელი უფლებამოსილია მოსთხოვოს შემკვეთს წინამდებარე ხელშეკრულებით გათვალისწინებული პროდუქციის/ მომსახურების ღირებულების ანაზღაურება ხელშეკრულებით გათვალისწინებული პირობებით.
- 4.2.6 შემსრულებელი ვალდებულია დაიცვას წინამდებარე ხელშეკრულების ყველა პირობა.

მუხლი 5. მხარეთა პასუხისმგებლობა, გარანტიები და პასუხისმგებლობისგან განთავისუფლება

- 5.1 მხარეებს ეკისრებათ სრული პასუხისმგებლობა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის და კისრულობენ ვალდებულებას სრულად აუნაზღაურონ ერთმანეთს ამ ვალდებულებების შეუსრულებლობით გამოწვეული ზიანი (ასეთის არსებობის შემთხვევაში).
- 5.2 ხელშეკრულების თითოეულ მხარის მიერ წინამდებარე ხელშეკრულებით გათვალისწინებული ვალდებულების შესრულების ვად(ებ)ის გადაცილების შემთხვევაში, დამრღვევ მხარეს, მეორე მხარის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0.2 % -ის ოდენობით ყოველ ვადაგადაცილებულ დღეზე.
- 5.3 შემკვეთის მხრიდან პროდუქციის/მომსახურების ღირებულების გადახდის დაგვიანების შემთხვევაში შემსრულებელს უფლება აქვს შეაჩეროს ხელშეკრულებით გათვალისწინებული პროდუქციის/მომსახურების მიწოდება დავალიანების სრულ დაფარვამდე.
- 5.4 მხარეები დროებით თავისუფლდებიან წინამდებარე ხელშეკრულებით ნაკისრი ვალდებულებების შესრულებისაგან, თუ ზემოთ ხსენებული ვალდებულებების შეუსრულებლობა ან/და არაჯეროვანი შესრულებით გამოწვეული იყო ფორს-მაჟორული გარემოებებით.
- 5.5 ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან კავშირში და რომლებსაც გააჩნიათ წინასწარ გაუთვალისწინებელი ხასიათი.

- 5.6. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა აცნობოს მეორე მხარეს ასეთი გარემოებების და მათი გამომწვევი მიზეზების შესახებ.
- 5.7. ფორს-მაჟორული ვითარების გასვლის შემდეგ მხარეებმა უნდა შეასრულონ ხელშეკრულებით ნაკისრი ვალდებულებები.

მუხლი 6. ხელშეკრულების შეწყვეტის პირობები

- 6.1. ხელშეკრულება შეიძლება შეწყდეს:
- 6.1.1. მხარეთა შეთანხმებით;
- 6.1.2. ხელშეკრულების მოქმედების ვადის გასვლით;
- 6.1.3. ხელშეკრულების ერთ-ერთი მხარის ინიციატივით მეორე მხარის წინასწარ 10 (ათი) კალენდარული დღით ადრე წერილობითი გაფრთხილების გზით;
- 6.2. შემკვეთის მიერ ხელშეკრულების ვადამდე მოშლის შემთხვევაში იგი იღებს ვალდებულებას სრულად აუნაზღაუროს შემსრულებელს ხელშეკრულების მოშლამდე მის მიერ მიწოდებული პროდუქციის/მომსახურების ღირებულება.

მუხლი 7. დამატებითი პირობები

- 7.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წინასწარი წერილობითი შეთანხმებით, რომელიც დაერთვის ხელშეკრულებას და ხდება მისი განუყოფელი ნაწილი. ცალმხრივად შეტანილ ცვლილებებს იურიდიული ძალა არა აქვს.
- 7.2. საკითხები, რომლებიც არ არის განსაზღვრული წინამდებარე ხელშეკრულებით დარეგულირდება მოქმედი კანონმდებლობით.
- 7.3. მხარეები მათ შორის წამოჭრილ დავას გადაწყვეტენ მოლაპარაკებისა და ურთიერთ შეთანხმების გზით, თუ მხარეები ვერ მორიგდნენ, დავას წყვეტს სასამართლო საქართველოს მოქმედი კანონმდებლობის შესაბამისად.
- 7.4. მხარეთა მიერ ერთმანეთისათვის გაგზავნილი ნებისმიერი წინადადების ან შეტყობინების მოქმედების ვადა იწყება მეორე მხარის მიერ მისი მიღების დღიდან, რაც უნდა დადასტურდება შესაბამისი ხელმოწერით.
- 7.5. წინამდებარე ხელშეკრულება გაფორმებულია ქართულ ენაზე, თანაბარი იურიდიული ძალის მქონე სამ იდენტურ ეგზემპლარად, რომელთაგან ერთი ეგზემპლარი გადაეცემა შემსრულებელს, ხოლო ორი - შემკვეთს.

მხარეთა რეკვიზიტები

„შემკვეთი“

საქართველოს პარლამენტთან არსებული
ჰერალდიკის სახელმწიფო საბჭო

მის: ქ. თბილისი, სანაპიროს ქ. 4
საიდენ. კოდი: 204555702;
საბანკო რეკვიზიტები:
საქართველოს ფინანსთა სამინისტროს სახაზინო
სამსახურის საოპერაციო დეპარტამენტი

საბჭოს თავმჯდომარე: ე. შენგელაია



Handwritten signature in blue ink.

„შემსრულებელი“

შპს „ჩემი ოფისი“

საიდენტიფიკაციო კოდი: 401997112;
მისამართი: ქ.თბილისი, ბელიაშვილის ქ. №8
მომსახურე ბანკი: სს „თი ბი სი ბანკი“
ბ/ კოდი: TBCBGE22
ა/ა GE58TB7539736080100001;

დირექტორი: თეიმურაზ დავითაშვილი

